

An Bhruiséil, 27 Iúil 2026  
(OR. en)

12237/26

---

Comhad Idirinstitiúideach:  
2026/0230 (NLE)

---

ECOFIN 1059  
UEM 377  
FIN 1121  
*ECB*  
*EIB*

## TOGRA

|                           |                                                                                                                                                                                                                |
|---------------------------|----------------------------------------------------------------------------------------------------------------------------------------------------------------------------------------------------------------|
| ó:                        | Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir                                                                                                                                  |
| dáta a fuarthas:          | 27 Iúil 2026                                                                                                                                                                                                   |
| chuig:                    | Thérèse BLANCHET, Ardrúnaí Chomhairle an Aontais Eorpaigh                                                                                                                                                      |
| Uimh. an doic. ón gCoim.: | COM(2026) 420 final                                                                                                                                                                                            |
| Ábhar:                    | Togra le haghaidh<br>CINNEADH CUR CHUN FEIDHME ÓN gCOMHAIRLE<br>lena leasaítear Cinneadh Cur Chun Feidhme an 28 Iúil 2021 maidir le formheas an mheasúnaithe ar phlean téarnaimh agus athléimneachta na Cróite |

Gheobhaidh na toscaireachtaí i gceangal leis seo doiciméad COM(2026) 420 final.

---

Faoi iamh: COM(2026) 420 final



AN COIMISIÚN  
EORPACH

An Bhruiséil, 27.7.2026  
COM(2026) 420 final

2026/0230 (NLE)

Togra le haghaidh

**CINNEADH CUR CHUN FEIDHME ÓN gCOMHAIRLE**

**lena leasaítear Cinneadh Cur Chun Feidhme an 28 Iúil 2021 maidir le formheas an mheasúnaithe ar phlean téarnaimh agus athléimneachta na Cróite**

{SWD(2026) 253 final}

Togra le haghaidh

**CINNEADH CUR CHUN FEIDHME ÓN gCOMHAIRLE**

**lena leasaítear Cinneadh Cur Chun Feidhme an 28 Iúil 2021 maidir le formheas an mheasúnaithe ar phlean téarnaimh agus athléimneachta na Cróite**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2021/241 ó Pharlaimint na hEorpa agus ón gComhairle an 12 Feabhra 2021 lena mbunaítear an tSaoráid Téarnaimh agus Athléimneachta<sup>1</sup>, agus go háirithe Airteagal 20(1) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Tar éis don Chróit an plean náisiúnta téarnaimh agus athléimneachta ('an plean') a chur isteach an 8 Iúil 2021, mhol an Coimisiún a mheasúnú dearfach don Chomhairle. An 28 Iúil 2021 d'fhorghas an Chomhairle an measúnú dearfach trí bhíthin cinneadh cur chun feidhme<sup>2</sup> ('Cinneadh Cur Chun Feidhme ón gComhairle an 28 Iúil 2021'). Leasaíodh Cinneadh Cur Chun Feidhme ón gComhairle an 28 Iúil 2021 le Cinntí Cur Chun feidhme ón gComhairle an 8 Nollaig 2023<sup>3</sup>, an 20 Meitheamh 2025<sup>4</sup> agus an 13 Samhain 2025<sup>5</sup>.
- (2) An 9 Iúil 2026 rinne an Chróit iarraidh réasúnaithe ar an gCoimisiún togra a dhéanamh le haghaidh Cinneadh Cur Chun Feidhme ón gComhairle an 28 Iúil 2021 a leasú i gcomhréir le hAirteagal 21(1) de Rialachán (AE) 2021/241, ós rud é nach féidir an plean a bhaint amach ina iomláine a thuilleadh i ngeall ar imthosca oibiachtúla. Ar an mbonn sin, tá plean leasaithe curtha isteach ag an gCróit.

***Leasuithe atá bunaithe ar Airteagal 21 de Rialachán (AE) 2021/241***

- (3) Na leasuithe ar an bplean a chuir an Chróit isteach i ngeall ar imthosca oibiachtúla, baineann siad le 34 beart.
- (4) Mhínigh an Chróit go bhfuil beart amháin ann nach féidir a bhaint amach a thuilleadh, i ngeall ar an easpa éilimh. Baineann an méid sin le beart C7.1 I2 Beart méadaithe: Clár cómhaoinithe chun feithiclí breosla mhalartaigh nua a cheannach agus chun

<sup>1</sup> IO L 57, 18.2.2021, lch. 17, ELI: <https://eur-lex.europa.eu/eli/reg/2021/241/oj>

<sup>2</sup> ST 10687/21 INIT; ST 10687/21 ADD 1.

<sup>3</sup> ST 15834/23 INIT; ST 15834/23 COR 1; ST 15834/23 ADD 1 REV 1.

<sup>4</sup> ST 9586/25 INIT; ST 9586/25 ADD.

<sup>5</sup> ST 14448/25 INIT; ST 14448/25 ADD 1.

bonneagair breoslaí mhalartaigh a fhorbairt in iompar de bhóthar. Ar an mbonn sin, d'iarr an Chróit údarú an beart thuasluaite a bhaint. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.

- (5) Mhínigh an Chróit go bhfuil beart amháin ann nach féidir a bhaint amach go páirteach a thuilleadh, i ngeall ar an easpa éilimh. Baineann an méid sin le beart C7.1 R1-I1 Úsáid hidrigine agus teicneolaíochtaí nua. Ar an mbonn sin, d'iarr an Chróit údarú an beart thuasluaite a leasú. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.
- (6) Mhínigh an Chróit go bhfuil beart amháin ann nach féidir a bhaint amach go páirteach a thuilleadh, i ngeall ar bhoilsciú ard agus ar mhéadú costais. Baineann an méid sin le beart C1.4 R3-I1 Clár nuachóirithe do chalafoirt atá oscailte do thrácht poiblí. Ar an mbonn sin, d'iarr an Chróit údarú an beart thuasluaite a leasú. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.
- (7) Mhínigh an Chróit nach féidir beart amháin a bhaint amach go páirteach a thuilleadh i ngeall ar scrogaill agus ar ghanntanais lucht saothair in earnáil na tógála. Baineann an méid sin le beart C3.1. R1-I4 Tógáil, uasghrádú, atógáil agus feistiú bunscoileanna le haghaidh teagasc seala aonair lánaimseartha. Ar an mbonn sin, d'iarr an Chróit údarú an beart thuasluaite a leasú. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.
- (8) Mhínigh an Chróit go bhfuil dhá bheart leasaithe chun an bhonnlíne a choigeartú chun a n-uailmhian bhunaidh a bhaint amach. Baineann an méid sin le C2.5 R1, Éifeachtúlacht an chórais cheartais a mhéadú chun muinín na saoránach a mhéadú, C4.3.R1 Trédhearcacht agus leordhóthanacht na sochar sóisialta sa chóras cosanta sóisialta. Ar an mbonn sin, d'iarr an Chróit go ndéanfaí na bearta sin a leasú. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.
- (9) Mhínigh an Chróit go bhfuil 32 bheart leasaithe chun roghanna malartacha níos fearr a chur chun feidhme lenar féidir an t-ualach riaracháin a laghdú agus an Cinneadh Cur Chun Feidhme ón gComhairle a shimpliú, agus cuspóirí na mbeart sin á mbaint amach an tráth céanna. Baineann an méid sin le C1.1.1. R4-I2 Ionstraim airgeadais do micrifhiontair agus fiontair bheaga agus mheánmhéide, C1.1.1. R4-I3 Ionstraim airgeadais le haghaidh fiontair mheánchaipitlithe agus fiontair mhóra, C1.1.1. R4-I4 Ionstraim airgeadais le haghaidh eintitis earnála poiblí, C1.1.1. R5-I1 infheistíocht cothromais, ionstraimí airgeadais cuasachothromais, C1.1.1-R6-I2 Córas seiceála fíricí sna meáin agus córas nochta phoiblí a bhunú, C1.1.2 R2-I2 Infheistíocht a dhéanamh in acmhainneacht bainistíochta fiontar beag agus meánmhéide, C1.1.2 R3-I3 Deontais le haghaidh digiteálacha, C1.2. R1-I1 An córas fuinnimh a athdhaingniú, a thógáil agus a dhigitiú agus tacú leis an mbonneagar chun an earnáil fuinnimh a dhícharbónú, C1.4. R1-I5 Faireachán ar Iompar Earraí Contúirteacha de Bhóthar (e-ADR), C1.4. R2-I3 'Scrogaill' a bhaint ar bhonneagar iarnróid, C1.4. R2-I6 Úsáid teicneolaíochtaí glasa in iompar paisinéirí d'iarnród, C1.4. R2-I7 Nuachóiriú na gcóras TF, C1.4. R5-I3 Clár chun feithiclí breosla mhalartaigh nua a cheannach, C1.5-R1-I1 Ionaid lóistíochta agus dáileacháin le haghaidh torthaí agus glasraí a thógáil, C1.5-R1-I2 Seasamh agus infheictheacht na dtáirgeoirí i slabhra an tsoláthair bia a neartú, C1.5-R3-I2 Talmhaíocht chliste, C2.4-R5 Bainistiú maoine atá faoi úinéireacht an Stáit a bharrfheabhsú, C2.5-R1-I6 Bonneagar TF cobhsaí athléimneach don Chóras Faisnéise Ceartais, C2.6-R3 Rialachas corparáideach a fheabhsú i gcuideachtaí faoi úinéireacht tromlaigh na n-aonad rialtais áitiúil agus réigiúnach, C3.1-R1-I2 Tógáil, uasghrádú, atógáil agus feistiú bunscoileanna le haghaidh teagasc seala aonair lánaimseartha,

C5.1. R2-I1 Trealamh chun aille a chosc, a dhiagnóisiú agus a chóireáil i gcomhair othar, C5.1. R3-I1 Cistiú lárnach le haghaidh speisialtóireachtaí, C5.1 R4-I5 Córas faireacháin ar thorthaí cóireála a thabhairt isteach le haghaidh cúram othar seachtrach agus béim á cur ar othair ainsealacha i gcógaslanna poiblí, C5.1 R1-I2 aonaid chúraim shoghluaiste, C5.1-R2-I2 Trealamh a fháil agus a chur chun feidhme chun an Líonra Oinceolaíoch Náisiúnta agus an Bunachar Sonraí Oinceolaíoch Náisiúnta a bhunú, C6.1 R2 Creat a fhorbairt chun scileanna leordhóthanacha a áirithiú i gcomhthéacs na bpost glas is gá le haghaidh atógáil i ndiaidh creatha talún, C7.1. R1-I1 Úsáid hidrigine agus teicneolaíochtaí nua, C7.1. I1 Beart méadaithe: Soláthar feithiclí breosla mhalartaigh le haghaidh iompar rialta poiblí uirbeach agus fo-uirbeach, C7.1. R1-I4 Úsáid foinsí fuinnimh in-athnuaite a neartú san iompar agus sa téamh, C7.1. R1-I6 Acmhainneachtaí tarchurtha agus dáileacháin an líonra leictreachais a neartú, C7.1 I3 Acmhainneacht an chríochfoirt GNL ar oileán Krk a mhéadú agus an bonneagar gáis a neartú, C7.1 I4 – Soláthar feithiclí breosla mhalartaigh le haghaidh iompar rialta poiblí uirbeach agus fo-uirbeach. Ar an mbonn sin, d'iarr an Chróit go ndéanfaí na bearta sin a leasú. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.

- (10) Tar éis beart amháin a bhaint agus leibhéal cur chun feidhme thrí bheart eile a ardú i gcomhréir le hAirteagal 21 de Rialachán (AE) 2021/241, d'iarr an Chróit údarú na hacmhainní a úsáid a saoradh leis na bearta a bhaint agus a leibhéal a gcur chun feidhme a ísliú chun beart amháin nua a chur isteach agus leibhéal cur chun feidhme dhá bheart a ardú. Baineann an méid sin le C1.4 R3-I1 Clár nuachóirithe do chalafoirt atá oscailte do thrácht poiblí, C2.3 R3-I18 - Ranníocaíochtaí deonacha leis an gComhghnóthas le haghaidh Gigeamhonarchana IS nó bonneagar coibhéiseach IS, C3.1. R1-I4 Tógáil, uasghrádú, atógáil agus feistiú bunscoileanna le haghaidh teagasc seala aonair lánaimseartha, C4.1 R3-I1 Cur chun feidhme dearbhán le haghaidh oideachas aosach, oiliúna agus uas-scilithe, C4.3 R3-I4 - Ionaid cúraim do dhaoine scothaosta a thógáil agus a fheistiú (seirbhísí baile agus pobalbhunaithe agus seirbhísí institiúideacha), C7.1 R1-I1 Úsáid hidrigine agus teicneolaíochtaí nua, C7.1 I2 Beart méadaithe: Clár cómhaoinithe chun feithiclí breosla mhalartaigh nua a cheannach agus chun bonneagair breoslaí mhalartaigh a fhorbairt in iompar de bhóthar. Ar an mbonn sin, d'iarr an Chróit údarú leibhéal cur chun feidhme dhá bheart a ardú agus dhá bheart nua a chur isteach. Ba cheart Cinneadh Cur Chun Feidhme ón gComhairle an 28 Iúil 2021 a leasú dá réir sin.

### ***Ceartúcháin ar earráidí cléireachais***

- (11) Sainithníodh 20 earráid chléireachais i dtéacs an Chinnidh Cur Chun Feidhme ón gComhairle, lena ndéantar difear do 15 chloch mhíle agus spriocanna agus do 5 bheart faoi 7 gcomhchuid. Ba cheart an Cinneadh Cur Chun Feidhme ón gComhairle a leasú chun na hearráidí cléireachais sin a cheartú, earráidí nach dtagann le hábhar an phlean a cuireadh faoi bhráid an Choimisiúin an 14 Bealtaine 2021, mar a comhaontaíodh idir an Coimisiún agus an Chróit. Baineann na hearráidí cléireachais sin leis an méid seo a leanas: spriocanna 65, agus 66 de bheart C1.3 R1-I1 Infheistíochtaí breise sa chlár forbartha séarachais poiblí, sprioc 72 de bheart C1.3 R1-I2 Clár forbartha soláthair uisce phoiblí, sprioc 79 de bheart C1.3 R1-I3 Clár laghdaithe riosca tubaistí, spriocanna 388 agus 389 de bheart C1.3 R3-I1 Infheistíochtaí breise sa chlár forbartha séarachais poiblí, sprioc 391 de bheart C1.3 R3-I2 Infheistíochtaí breise sa chlár forbartha soláthair uisce phoiblí faoi chomhchuid 1.3 Feabhas a chur ar bhainistiú uisce agus ar bhainistiú dramhaíola, cloch mhíle 186 de bheart C2.3 R3-I6 Infheistíocht i líonraí bonneagair faisnéise Stáit, cloch mhíle 197 de bheart C2.3 R3-

I13 Claochlú digiteach an Riaracháin Cánach, sprioc 201 de bheart C2.3 R3-I16 Próisis sa spórt agus san áineas a dhigitiú ar an leibhéal áitiúil agus réigiúnach, cloch mhíle 204 de bheart C2.3 R4-I1 Tionscadail a chur chun feidhme faoin gClár Réime Náisiúnta um Bonneagar Leathanbhanda a Fhorbairt i réimsí nach bhfuil leas tráchtála leordhóthanach san infheistíocht iontu, faoi chomhchuid 2.3 aistriú digiteach na sochaí agus an riaracháin phoiblí, sprioc 209 de bheart C2.4 R3 Acmhainneacht an duine a neartú chun faireachán a dhéanamh ar rialachas corparáideach i bhfiontair faoi úinéireacht stáit, faoi chomhchuid 2.4 bainistiú sócmhainní Stáit a fheabhsú, sprioc 278 de bheart C3.2 R1-I1 Córas comhaontuithe cláir a fhorbairt chun ollscoileanna agus institiúidí taighde a chistiú, dírithe ar nuálaíocht, taighde agus forbairt) faoi chomhchuid 3.2 borradh a chur faoi acmhainneacht taighde agus nuálaíochta, cloch mhíle 401 de bheart C6.1 R2 Creat a fhorbairt chun scileanna leordhóthanacha a áirithiú i gcomhthéacs na bpost glas is gá le haghaidh atógáil i ndiaidh an chreatha talún faoi chomhchuid 6.1 athnuachan foirgneamh, cloch mhíle 54 de bheart C7.1 R1-I1 Úsáid hidrigine agus teicneolaíochtaí nua faoi chomhchuid 7.1 fuinneamh agus iompar inbhuanaithe agus an cur síos ar na bearta seo a leanas Infheistíocht C1.3 R3-I1 - Infheistíochtaí breise sa chlár forbartha séarachais poiblí, Infheistíocht C2.3 R3-I15 - Réitigh feidhmchlár turasóireachta a chur ar bun, Infheistíocht C2.3 R4-I1 - Tionscadail a chur chun feidhme faoin gClár Réime Náisiúnta um Bonneagar Leathanbhanda a Fhorbairt i réimsí nach bhfuil leas tráchtála leordhóthanach san infheistíocht iontu, Infheistíocht C2.3 R3-I17 - Bunú Chlárlann an Daonra, Clann agus Teaghlach, Infheistíocht C3.1 R1-I1 - Tógáil, uasghrádú, atógáil agus feistiú shaoráidí ECEC, Athchóiriú C6.1 R2 – Creat a fhorbairt chun scileanna leordhóthanacha a áirithiú i gcomhthéacs na bpost glas is gá le haghaidh atógáil i ndiaidh an chreatha talún faoi chomhchuid 1.3 Feabhas a chur ar bhainistiú uisce agus ar bhainistiú dramhaíola, comhchuid 2.3 aistriú digiteach na sochaí agus an riaracháin phoiblí, 3.1 athchóiriú an chórais oideachais agus comhchuid 6.1 athnuachan foirgneamh. Ní dhéanann na ceartúcháin sin difear do chur chun feidhme na mbeart lena mbaineann.

### ***Measúnú ón gCoimisiún***

- (12) Rinne an Coimisiún measúnú ar an bplean leasaithe i gcomparáid leis na critéir mheasúnaithe a leagtar síos in Airteagal 19(3) de Rialachán (AE) 2021/241.
- (13) Measann an Coimisiún nach ndéanann na leasuithe a mhol an Chróit difear don mheasúnú dearfach ar an bplean a leagtar amach i gCinneadh Cur Chun Feidhme ón gComhairle an 28 Iúil 2021 maidir le hábharthacht, éifeachtacht, éifeachtúlacht agus comhleanúnachas an phlean i gcomparáid leis na critéir mheasúnaithe a leagtar síos in Airteagal 19(3) de Rialachán (AE) 2021/241 pointí (a), (b), (c) (d) (da) (db), (g), (h), (j) agus (k).

### ***Rannchuidiú leis an aistriú glas, lena n-áirítear an bhithéagsúlacht***

- (14) I gcomhréir le hAirteagal 19(3), pointe (e), de Rialachán (AE) 2021/241 agus le critéar 2.5 d'Iarscríbhinn V a ghabhann leis an Rialachán sin, tá bearta sa phlean leasaithe a rannchuidíonn go mór (rátaíl A) leis an aistriú glas, lena n-áirítear an bhithéagsúlacht, nó le haghaidh a thabhairt ar na dúshláin a eascraíonn as sin. An méid airgid a ghabhann leis na bearta a thacaíonn le cuspóirí aeráide, is é 37,00 % an sciar de leithdháileadh iomlán an phlean leasaithe atá i gceist leis, agus is é 60,56 % an sciar atá i gceist leis maidir le costais iomlána mheasta io na mbeart sa chaibidil REPowerEU, méideanna arna ríomh i gcomhréir leis an modheolaíocht a leagtar amach in Iarscríbhinn VI a ghabhann le Rialachán (AE) 2021/241. I gcomhréir le

hAirteagal 17 de Rialachán (AE) 2021/241, tá an plean leasaithe comhsheasmhach leis an bhfaisnéis atá sa Phlean Náisiúnta Fuinnimh agus Aeráide don tréimhse 2021-2030.

- (15) Sprioc 53 de bheart C7.1 R1-I2 Úsáid hidrigine agus teicneolaíochtaí nua Geilleagar bunaithe ar hidrigin a bhunú agus cloch mhíle 125 de bheart C7.1 I2 Beart méadaithe: Maidir leis an gclár cómhaoinithe chun feithiclí breosla mhalartaigh nua a cheannach agus chun bonneagair breoslaí mhalartaigh a fhorbairt in iompar de bhóthar, baineadh iad mar gheall ar easpa éilimh. San fhoriomlán, tá laghdú an-teoranta i gceist le sprioc ghlas an phlean téarnaimh agus athléimneachta.

#### ***Rannchuidiú leis an aistriú digiteach***

- (16) I gcomhréir le hAirteagal 19(3), pointe (f), de Rialachán (AE) 2021/241 agus le critéar 2.6 d'Iarscríbhinn V a ghabhann leis, tá bearta sa phlean leasaithe a rannchuidíonn go mór (rátáil A) leis an aistriú digiteach nó le haghaidh a thabhairt ar na dúshláin a eascraíonn as. Baineann na bearta a thacaíonn le cuspóirí digiteacha le suim arb é atá inti 21,84 % de leithdháileadh iomlán an phlean leasaithe arna ríomh i gcomhréir leis an modheolaíocht a leagtar amach in Iarscríbhinn VII a ghabhann leis an Rialachán sin.
- (17) Níl tionchar ag na leasuithe a tugadh isteach ar uaillmhian fhoriomlán an phlean maidir leis an aistriú digiteach agus tá méadú beag tagtha ar an rannchuidiú foriomlán leis an aistriú digiteach ó 21,07 % go 21,84 %. Leis an bplean modhnaithe, táthar ag rannchuidiú go mór leis an aistriú digiteach i gcónaí trí na nithe a leanas a dhéanamh, i measc nithe eile lena n-áirítear digiteáil an riaracháin phoiblí agus fiontar, líon na seirbhísí digiteacha do shaoránaigh agus do ghnólachtaí a mhéadú, agus infheistíochtaí a dhéanamh i ríomhsheirbhísí sláinte agus i ndigiteáil na hearnála iompair

#### ***Costáil***

- (18) I gcomhréir le hAirteagal 19(3), pointe (i), de Rialachán (AE) 2021/241 agus le critéar 2.9 d'Iarscríbhinn V a ghabhann leis, an t-údar a thugtar sa phlean leasaithe maidir le méid an chostais iomláin mheasta a bhaineann leis an bplean, tá an t-údar sin measartha maidir lena réasúnta agus a inchreidte atá sé (rátáil B), tá sé i gcomhréir le prionsabal na costéifeachtúlachta agus tá sé i gcomhréir leis an tionchar ionchasach náisiúnta eacnamaíoch agus sóisialta.
- (19) Sholáthair an Chróit miondealú mionsonraithe ar chostas na gcloch míle agus na spriocanna modhnaithe agus nua, le tagairtí do thionscadail chomhchosúla roimhe sin chomh maith le mínithe leordhóthanacha ar an modheolaíocht a úsáideadh chun na costais iomlána a shuí.

#### ***Aon chritéar measúnaithe eile***

- (20) Measann an Coimisiún nach ndéanann na leasuithe a chuir an Chróit chun cinn difear don mheasúnú dearfach ar an bplean a leagtar amach i gCinneadh Cur Chun Feidhme ón gComhairle an 28 Iúil 2021 maidir le formheas an mheasúnaithe ar phlean na Cróite i ndáil le hábharthacht, éifeachtacht, éifeachtúlacht agus comhleanúnachas an phlean i gcomparáid leis na critéir mheasúnaithe a leagtar síos in Airteagal 19(3), pointí (a), (b), (c), (d), (da), (db), (g), (h), (j) agus (k).

#### ***Measúnú dearfach***

- (21) Tar éis an mheasúnaithe dhearfaigh ón gCoimisiún ar an bplean leasaithe agus an toradh a bhí air, mar atá, go comhlíonann an plean go sásúil na critéir mheasúnaithe a leagtar amach i Rialachán (AE) 2021/241, i gcomhréir le hAirteagal 20(2) den Rialachán sin agus le hIarscríbhinn V a ghabhann leis, ba cheart na hathchóirithe agus

na tionscadail infheistíochta is gá chun cur chun feidhme an phlean leasaithe a leagan amach, iad sin agus na clocha míle, spriocanna agus táscairí ábhartha, agus an méid a chuirtear ar fáil ón Aontas le haghaidh chur chun feidhme an phlean leasaithe.

### ***Ranníocaíocht airgeadais***

- (22) Is é EUR 9 961 398 190 costais iomlána measta phlean leasaithe na Cróite. Ós rud é go bhfuil méid chostas iomlán measta an phlean leasaithe níos airde ná an ranníocaíocht uasta airgeadais cothrom le dáta atá ar fáil don Chróit, an ranníocaíocht airgeadais arna cinneadh i gcomhréir le hAirteagal 4a de Rialachán (AE) 2021/1755 ó Pharlaimint na hEorpa agus ón gComhairle<sup>6</sup>, agus le hAirteagal 20(4) agus Airteagal 21a(6) de Rialachán (AE) 2021/241 a leithdháiltear ar phlean leasaithe na Cróite, ba cheart gurb í EUR 5 786 544 628. Dá bhrí sin, níl aon athrú ar an ranníocaíocht airgeadais a cuirtear ar fáil don Chróit.

### ***Iasachtaí***

- (23) Chun tacú le hathchóirithe agus infheistíochtaí breise, cuireadh tacaíocht iasachta iomlán EUR 4 254 156 972 ar fáil don Chróit trí bhíthin Chinneadh Cur Chun Feidhme ón gComhairle an 21 Samhain 2023 lenar leasaíodh Cinneadh Cur Chun Feidhme ón gComhairle an 28 Iúil 2021. Tar éis an íslithe ar leibhéal cur chun feidhme C3.1 R1-I4 Tógáil, uasghrádú, atógáil agus feistiú bunscoileanna le haghaidh teagasc seala aonair lánaimseartha faoi Airteagal 21 de Rialachán 2021/241, níor iarr an Chróit údarú na hacmhainní a úsáid a saoradh chun tacú le bearta nua nó chun leibhéal cur chun feidhme na mbearta atá ann cheana laistigh den phlean téarnaimh agus athléimneachta a ardú. Tá méid chostais iomlána mheasta an phlean níos ísle ná an ranníocaíocht iomlán airgeadais atá ar fáil don Chróit agus an tacaíocht iasachta a cuireadh ar fáil don Chróit trí bhíthin Chinneadh Cur Chun Feidhme ón gComhairle an 21 Samhain 2023 lear leasaíodh Cinneadh Cur Chun Feidhme ón gComhairle an 28 Iúil 2021. Dá bhrí sin, ba cheart an tacaíocht iasachta iomlán a chuirtear ar fáil don Chróit a laghdú go EUR 4 174 853 562.
- (24) Dá bhrí sin, ba cheart Cinneadh Cur Chun Feidhme ón gComhairle an 28 Iúil 2021 a leasú dá réir. Ar mhaithe le soiléireacht, ba cheart an larscríbhinn a ghabhann leis an gCinneadh Cur Chun Feidhme ón gComhairle an 28 Iúil 2021 sin a ionadú go hiomlán.
- (25) Ba cheart an Cinneadh seo a bheith gan dochar do thoradh aon nós imeachta a bhaineann le cistí de chuid an Aontais a dhámhachtain faoi aon chlár de chuid an Aontais seachas an tSaoráid nó do nósanna imeachta a bhaineann le saobhadh ar oibriú an mhargaidh inmheánaigh a fhéadfar a ghabháil ar láimh, go háirithe faoi Airteagail 107 agus 108 den Chonradh. Ní sháraítear leis an ceanglas atá ar na Ballstáit fógra a thabhairt don Choimisiún faoi Airteagal 108 den Chonradh faoi chásanna státchabhrach a d'fhéadfadh a bheith ann,

---

<sup>6</sup> Rialachán (AE) 2021/1755 ó Pharlaimint na hEorpa agus ón gComhairle an 6 Deireadh Fómhair 2021 lena mbunaítear an Cúlchiste Coigeartaithe Brexit (IO L 357, 8.10.2021, lch. 1, ELI: <http://data.europa.eu/eli/reg/2021/1755/oj>).

TAR ÉIS AN CINNEADH SEO A GHLACADH:

*Airteagal 1*

*Formheas an mheasúnaithe ar an bplean*

Formheastar an measúnú ar phlean leasaithe na Cróite ar bhonn na gcritéar dá bhforáiltear in Airteagal 19(3) de Rialachán (AE) 2021/241.

*Airteagal 2*

*Leasuithe*

Leasaítear Cinneadh Cur Chun Feidhme ón gComhairle an 28 Iúil 2021 maidir le formheas an mheasúnaithe ar phlean téarnaimh agus athléimneachta na Cróite mar a leanas:

(1) in Airteagal 2a, cuirtear an méid seo a leanas in ionad mhír 1:

“1. Cuirfidh an tAontas iasacht ar fáil don Chróit arb ionann í agus uasmhéid EUR 4 174 853 562.”;

(2) cuirtear an téacs a leagtar amach san Iarscríbhinn a ghabhann leis an gCinneadh seo in ionad na hIarscríbhinne.

*Airteagal 3*

*Seolaí*

Is chuig Poblacht na Cróite a dhírítear an Cinneadh seo.

Arna dhéanamh sa Bhruiséil,

*Thar ceann na Comhairle*

*An tUachtarán*